

松滋縣志卷之十二

雜志

春秋書災不書祥志警也然甘露慶雲久傳中
候丹藁朱草並記拾遺生天下有道時豈惟以
神降石言柱飛水鬪徒占變異第一邑之間徵
應無多未足區爲一類爰并所聞軼事及名人
冢墓攬摭叢集附諸雜志

災祥

晉永嘉三年大旱江漢可涉晉書

松滋縣志 卷之十二 雜志

一

宋元嘉十三年二月甘露降上明巴山宋書符瑞志

淳化二年秋荆湖北路江水注溢浸田害稼宋書行志五

景德二年荆湖北路饑宋史

元大歷二年四月中興等路饑宋史五行志五

世祖至元十一年八月中興路松滋枝江地震

十二年松滋驟雨水暴溢漂千餘家溺死者七百餘人

十五年松滋大水

武宗至大四年七月松滋江陵大水元史五行志五

順帝至正八年六月己丑松滋驟雨水暴漲平地水深

丈有五尺餘漂沒六十餘里死者一千五百餘人元史

五行志

十一年八月丁丑松滋及公安枝江三縣峽荆二州地

震元史五
行志

十二年六月松滋驟雨水暴漲漂民居千餘家溺死七

百餘人元史五
行志

明洪武二十八年大水府志

嘉靖二十年松滋大蝗府志

三十九年庚申大水江溢夾洲朝英口又大蝗湖廣通志

松滋縣志 卷之十二 雜志 二

隆慶六年松滋江陵大水蝗湖廣通志

萬歷元年松滋宜都蝗湖廣通志

九年松滋大饑人相食

四十年壬子大水隄潰溺死千餘人

天啟七年歲洊饑無麥比穀熟饑民僅存壯者舊縣志

國朝順治九年大旱升米千錢近山者掘木葉草根殆盡

近湖者採菱芡蒲芽荷根以度日

十年癸巳水黃木坑揚潤口二處隄潰

十一年三月松滋大風雨雹

十五年水從公安逆流損松滋禾苗壞民居

康熙癸卯二年大水黃木坑隄潰漂沒民居死尸浮水流者旬月不絕復陰雨匝月道殣相望

九年庚戌松滋大水隄決流虎口民多溺死餘就高阜處鑿穴而居復多虎荒蛇害逃亡益衆

十一年壬子松滋大水新築圭形隄復潰民疊遭水害死者甚衆

十九年松滋大旱麥禾盡稿

乾隆四十三年夏五月旱

松滋縣志

卷之十二

雜志

三

五十一年乙巳旱

乾隆五十三年戊申大水

六十年水朱家埠隄潰

嘉慶元年丙辰江隄決

七年壬戌大水高家套隄決

道光十年庚寅大水朱家埠隄潰六月城**淳**寺出龍由朱市過澌洋上升

十一年辛卯饑冬賑

十二年壬辰歲大饑瘟疫流行澧市隄決

十四年甲午大饑又大水澗市下隄決

十五年乙未夏大旱蝗

十九年己亥大水澗市下隄潰

二十年庚子大水澗市下隄潰

二十一年辛丑大水澗市下江隄潰

二十二年壬寅大水

二十四年甲辰大水黃木嶺江隄潰

二十八年戊申大水江亭寺隄潰次日雨血以盃盛之
如桃花色

松滋縣志

卷之十二

雜志

四

二十九年己酉春夏饑夏秋水新塲江亭寺隄潰人物

漂流低鄉田盡沙壓

三十年庚戌秋松滋地震

咸豐四年十一月初五日無風各處陂塘水忽自軼蕩
左起則右縮右起則左縮低昂六七尺許掀簸逾時
始定是冬桃李花復實

五年乙卯旱蝗

六年丙辰旱蝗

七年丁巳旱蝗至夏秋之交大水自南來蝗之未生翼

者浮水而至散入鄉民田食禾至盡乃移去其害較
飛者尤烈東鄉許家大堰青楊樹忽結梨實十三枚
第六枚差小蓋是年實閏五月云

八年戊午旱蝗

九年己未鄰縣俱蝗松獨無有飛入境者皆自斃秋彗
星見

十年庚申大水高石牌隄潰五月天鵝塘出龍行陸地
二三里所過禾稼盡毀頃雲中有龍下垂若接引狀
此龍卽騰而去冬大雪木冰

松滋縣志

卷之十二

雜志

五

十一年辛酉夏秋之交有怪暗剪人髮或雞羽被剪者
人輒病狂雞則啄影而死或曰妖人剪紙作人形以
術使之爲祟也

同治二年癸亥夏蟲食松葉葉盡而樹死

五年低鄉水

六年大旱低鄉水

軼事

晉桓石民爲荊州鎮上明百姓忽歌曰黃曇子曲終又
曰黃曇英揚州大佛來上明頃之而石民死王忱爲
荊州黃曇子乃是王忱之字也忱小字佛大是大佛

來上明也

宋書五行志五

南陽劉麟之高率善史傳隱於陽歧於時苻堅臨江荊
州刺史桓冲將盡訐謨之益徵爲長史遣人船往迎
贈貺甚厚麟之聞命便升舟悉不受所餉緣道以乞
窮乏比至上明亦盡一見冲因陳無用憮然而退居

松滋縣志

卷之十二

雜志

六

陽歧積年衣食無有常與村人共值已匱乏村人亦
如之甚厚爲鄉閭所安

世說新語

桓車騎在上明畋獵東信至傳淮上大捷語左右云羣
謝年少大破賊因發病薨談者以爲此死賢於讓揚

之荆

世說新語

宋文帝元嘉三年春彭城劉樞字正一自江陵歸鄂下
宿上明洲時夜月微明吟宴次忽二人扣舟高呼正
一云我自鄂下來要見正一引首望之于岸下見二
人各長五尺餘容貌華飾皆曰服便出與語乃語樞

曰久欲奉謁今會良時樞曰卿自鄂下來有何相謂
一人曰聞君儒者也故修謁耳遂與同宴夜闌二人
俱醉于飲處便臥樞甚異之及左右皆相目不敢言
乃以被覆之及明尙寢欲喚因舉被見二魚各長五
六尺眼雖動而甚困矣不敢殺乃舁致江中是夕樞
夢二人衣白衣各執一珠放樞臥前不語而去及曉
枕前二珠各徑寸乃是雙白魚也

三吳記

益州道士邵碩始康人元徽二年忽告人云吾命終因
臥而死後人見碩在荊州上明以一隻故履縛左腳

松滋縣志

卷之十二

雜志

七

而行甚疾遂不知所之

南史齊始興王鑑傳

棲霞樓宋臨川王劉義慶建在羅公洲樓下果竹交蔭

長楊旁映高梧前竦雖卽城隍趣同邱壑

始興記

齊松滋令蘭陵蕭叡明母患積年叡明晝夜祈禱時寒
凍叡明下淚凝結如筋額上扣血成冰不溜忽有一
人以石函授之曰此能治太夫人病叡明跪而受之
忽然不見以函奉母中惟有三寸絹丹書爲日月字

母病卽愈

談藪

邠浪者安樂人行到松滋縣九岡山見一鳥形如雉而

色正赤集山巖石上鳴聲如吹笙浪卽射中之鳥仍

入石穴中浪遂鑿石得一赤玉狀如鳥形錄異記

南卓官拾遺與崔黯俱以諫諍出宰崔枝江令南松滋

令雙名並席二邑綏然南後爲中丞崔詹事雲溪友議

江陵副使李君嘗自洛赴進士舉至華陽見白衣人在
店李君與語圍爐飲啜甚洽同行至昭應曰某隱居
在西嶽甚荷郎君相厚之意有故明日先徑往城中
不得奉陪也莫要知向後事否君再拜懇請乃命紙
筆於月下凡書三封次第緘題之甚急則開之乃去

松滋縣志

卷之十二 雜志

八

五六舉下第欲歸無糧食將往求容足之地不得曰
此爲窮矣仙兄書可以開也遂沐浴清旦焚香啟之
曰某年月日以困迫無資用開一封可青龍寺門前
坐見訖遂往到已晚矣望至昏時不敢歸心自笑曰
此處坐可得錢乎少頃寺主僧領行者至將閉門見
李君曰何人曰某驢弱居遠前去不得將寄宿於此
僧曰門外風寒不可且向院中遂邀入牽驢隨之具
饌烹茶夜艾熟視李君低頭不語者良久乃曰郎君
何姓曰姓李僧驚曰松滋李長官識否李君起頓蹙

曰某先人也僧垂泣曰某之故舊適覺郎君酷似長官然奉求已多日矣今乃遇李君涕流被面因曰郎君甚貧長官比將錢物求官至此狼狽有錢二千貫寄在某處自是以來如有重負今得郎君分付老僧此生無事矣明日留一文書便可挈去李君悲喜及旦遂載鏹而去鬻宅安居遽爲富室又三數年不第塵土困悴欲罷去思曰乃一生之事仙兄第二函可以發也又沐浴清旦啟之曰某年月日以將罷舉可開第二封可西市鞦轡行頭坐見訖復往至卽登樓

飲酒聞其下有人言交他郎君平明卽到此無錢卽道元是不要錢及第李君驚而問之客曰侍郎郎君有切故要錢一千貫致及第昨有共某期不至者今欲去耳李君問曰此事虛實客曰郎君見在樓上房內李君曰某是舉人亦有錢郎君可一謁否曰實如此何故不可乃卻上果見之話言飲酒曰侍郎郎君也云主司是親叔父乃面定約束明年果及第後官至殿中江陵副使患心痛少頃數絕危迫頗甚謂妻曰仙師第三封可以開矣妻遂灌洗開視之云某年

月日江陵副使忽患心痛可處置家事更兩日卒

史逸

太和末荆南松滋縣南有士人寄居親故莊中肄業初到之夕二更後方張燈臨案忽有小人纔半寸葛巾策杖入門謂士人曰乍到無主人當寂寞其聲大如蒼蠅士人素有膽氣初若不見乃登床責曰遽不存主客禮乎復升案窺書詬詈不已因覆硯於書上士人不耐以筆擊之墜地叫數聲出門而滅有頃有婦人四五或老或少皆長一寸大呼曰貞官以君獨學故令郎君言展且論精奧何癡頑狂率輒致損害今

松滋縣志

卷之十二

雜志

十

可見貞官其來索續如蟻狀如騶卒撲緣士人土人恍然若夢因嚙四支痛苦甚復曰汝不去將損汝眼四五頭遂上其面士人驚懼隨出門至堂東遙望見一門絕小如節使牙門士人乃叫何物怪魅敢凌人如此復被衆嚙之恍惚間已入小門內見一人峩冠當殿階侍衛千數悉長寸餘叱士人曰吾憐汝獨處俾小兒往何苦致害罪當腰斬乃見數十人悉持刃攘臂逼之士人大懼謝某愚騃肉眼不識貞官乞賜餘生久之曰且解知悔叱令曳出不覺已在小門外及

歸書堂已五更矣殘燈猶在及明尋其蹤跡東壁古
牆下有小穴如栗守宮出入焉士人卽雇數夫發之
深數丈有守宮十餘石大者色赤長尺許蓋其王也
壤土如樓狀士人聚蘇焚之後亦無他

西陽雜俎

江陵松滋枝江村射鹿者率以淘河鳥脛骨爲管以鹿
心上脂膜作簧吹作鹿聲有大號小號呦呦之異或
作麀鹿聲則麀鹿畢集蓋爲牝聲所誘人得彀矢而
注之南中多鹿每一牡管牝百頭至春羸瘦蓋遊牝
多也及夏則惟食菖蒲一味卻肥當角解之時其茸

松滋縣志

卷之十二

雜志

十一

甚痛獵人逢之其鹿不敢逸走伏而不動獵者以繩
繫其茸截而取之先以其血來噉然後斃鹿何其苦
也與夫狨麝孔雀以有用賈害良可憫之

北夢瑣言

世有奇疾者有松滋令姜愚無他疾忽不識字數年方

稍稍復舊

夢溪筆談

九老仙都宮者中貞明教元靜真人唐公洞雲之所建
也元靜遭遇聖代肆揚元風晚歲被旨領中興之元
妙觀旣而漢源縣令松滋陳君一寧以中統楮幣一
萬五千二百餘緡得城中公子術張氏故居願建真

館以奉祝釐未幾前江淞權茶提舉同邑傅君文鼎
又以楮幣一萬七千五百緡增助之請爲衆倡已而
四方樂助者繼屬其不濟者元靜悉濟以己貲乃作
三清正殿至於門廡法堂方丈雲堂等屋以次興舉

節錄元歐陽元九
老仙都宮碑記

成化十四年靖王豪墟薨子惠王恩鑑嗣宏治五年松
滋王府諸宗人恩鑑等闖入荊州府支歲祿恩鑑禁
之皆怨已儀賓袁鏞復誘恩鑑等招羣小奪軍民商
賈利恩鑑發其事恩鑑等愈怨謀殺王朝廷遣官按

松滋縣志

卷之十二

雜志

十二

實幽恩鑑等鳳陽謫戍其黨有差恩鑑陰使送者刑
梏之斃八十餘人不數日世子暴卒八年恩鑑疽發

背薨

明史
王植傳

彭君宜松滋王府世僕也明末流賊入城府內諸僕散
去君宜獨與主朱儼鑰避難黃潭以死相隨

國朝定鼎後儼鑰物故君宜事主母陳幼主尊漑維謹
及幼主窘甚兩次以君宜質銀店君宜留心藝術齒
積贖身卽輔幼主傾銀生理賴以成家主母陳亦全

節焉

江陵
縣志

毛太涵者公安諸生也家甚饒背父早僮僕百餘至莫能辨一日思理家政僕有負隅松滋者拘之不獲獲其婦歸考掠數日婦經死夫遂夥親隨僕子約五十人白晝入劫刀破主腸而脂出毛妾劉故倡也力以身捍毛被創者數俄欲斷毛頭毛懇須臾羣凶焚楮祭刀意欲行逆甫拜神時時六月初十赤日當空無雲而雷震者三羣凶股栗中止良久擁婦屍還松滋挾毛護行至十五里外一寺中稍息毛有友王光國挺身入凶黨視之曰吾汝無讎來何爲王曰惟無讐

故來毛吾友也彼遭難吾視之吾情也與毛隈坐故不去無何塵起持鋒刀疾呼至者幾數百人羣凶懼王曰汝今只一策但舍毛速走來者氣自消不然汝等壅粉矣我爲政汝速舍之羣凶唯唯王乃督數百人追之至一港羣凶不得渡救者得勢賈勇於是死刃下者一二十人溺水者四五人脫走者半蓋王方挺身救毛時已陰促數僕檄衆來援又遣人將港船盡移匿蘆葦中故耳王拚死救友倉卒謀畧周匝勇而有智如此乃劉妾亦烈女子哉

松滋溪水中出五色石間有瑩徹紋理溫潤者正與真

州瑪瑙不異土人未知貴重也

荆事
搜佚

知縣陳麟方謁選都門時夢關帝命曰汝當往治松滋
已而果驗抵任後因積俸金卜買民地爲建廟焉

知縣門鎮國漢軍人康熙間蒞松九載初不識漢字既
乃留心法塌臨摩不間寒暑久之成家常懸一筆窗
間鋒頭忽燦爛若花蓋其精神專注故管城效靈耳
黃鶴樓鵝字碑其遺蹟也邑人龐洵有詩云石碑刊
法書橫縱勢經丈曾聞五色花幻自筆頭放

松滋縣志

卷之十二

雜志

十四

康熙初邑有唐氏女許字鄧氏之子生禹未嫁生禹被
吳三桂逆黨擄去久無信耗女及笄父母欲爲改醮
商於鄧亦允之求婚者蹇修日踵門女誓不二甘死
守焉越十餘年而生禹忽歸先是生禹陷於滇有欲
妻之者堅辭以有原配在衆笑之曰豈有終老處子
株待生死莫必之夫於十年之外者乎生禹終不答
及歸男女皆年踰三十矣親迎之日鄉里稱之有司
爲表其閭

補遺

何大炳孝廉號丹如乾隆庚午舉人辛未會試堂薦例榜明通值是年奉 旨停止故未入選生而穎悟自知前世爲河南人有三子公車北上過其家託言與其父有舊時諸子方析產失田契一紙大炳令於屋角牆隙處覓之果獲年未四十卒平生善病工愁同邑龐月溪明經謂其渾身秋氣其感舊吟云生前生後事如何魂夢飄零不一過蓋有謂也

鎮美錦孝廉性嗜學讀書文公山三年未嘗下山中乾隆甲午舉人考南部新書唐大中以來禮部放榜有

松滋縣志

卷之十二

雜志

十五

姓氏稀僻者號曰榜花近世相沿宴鹿鳴則冠諸同年上萬姓族譜湖廣松滋縣有鎮氏載在康熙字典美錦以是得居首座

鄒承浩孝廉夙工舉子業嘉慶甲子日天未曙坐而假寐忽夢藍面人自天飛下狀貌獐獐手執一簿卽以筆記其姓名承浩攬其袂乞命不已其人曰汝勿稽延我我尙赴佘家坪去也覺而述於人以爲不祥是秋獲雋承浩中式第二榜尾則佘侍御文銓也所云藍面人殆俗所傳魁星云

楊禹傳進士號中台雍正癸酉公車北上甫至京夢見會墨首題爲君難二句元爲陳倓已居十八覺而錄其文及入場果係是題欲做夢中元作頓忘於心復思第二以至十七俱不復記憶尋念已作亦如隔世乃構思完卷而出視所錄已文則一字不差榜發諸墨皆然嘗語人曰人生嘔出心血自鳴得意孰知冥冥之中有預爲代筆者殊難解也

癸未會試黃君士瀛熊君啟瑞劉君用賓同上公車三月初八日邑有善乩者題云問消息雨淒淒也不是

松滋縣志

卷之十二

雜志

十六

太人占得男子夢也不是杖然太乙藜有一人兮獨自在雁塔把名題已而熊劉下第黃獨中進士且入翰林入場之時適大雨也

道光己酉堤潰瀕江居民受禍爲烈冬杪水落淤沙中所出金及木活灾黎無算金以附近潰口者爲良稍遠次之再遠又次之金在貴沈以輕重分低昂也善識金者租地而淘值倍膏腴其時淘金與買金客及鬻地者並大獲利焉木則自沙中湧出長者十餘丈臥地高五六尺其色或黑或深黃有龜紋者有水波

紋者有雀首紋者質極堅實以木屑擲水徑沈至底蓋不知爲數百年或數千年物木僅十餘株匠氏斲以成器大者爲棺俱以爲無價之寶云

邑中羅公洲按盛宏之荊州記因羅含徙居於此故名舊志缺載道光七年春有乩詩云畫樓西畔小園東九十光陰去又忽姑惡喚殘三月雨子規啼破五更風柳栽彭澤門前綠花落仙源水面紅擊缺唾壺豪興勃一聲長嘯海天空自稱四維道者隱寓羅字時有疑爲羅江東者乩忽判云東君何事說江東今古松滋縣志

卷之十二

雜志

十七

徒教感慨通賸有萋萋洲一角居人猶自憶羅公東晉去今千有餘歲矣而君章英靈乃隨荒洲以終古耶

冢墓

河清冢在河清寺前高冢隆然凡土人取磚石者輒病
皇冢在縣東四十里丁家堞高二丈廣十丈餘前有深
潭

明

中書省叅政傅瓛墓在縣南風水嶺前今名挖斷山墓
前高峯名上天梯相近有望京岡因傅公登望京師
得名

兵部尚書忠襄伍文定墓在縣南雲臺山嘉靖年諭祭

松滋縣志

卷之十二

雜志

十八

葬

兵部郎中王其勤墓在縣東三里王家山父子解元王
本義王之相墓俱在

戶部主事龐崇誼墓在縣東十里灌口金尚書秉乾題
有神道碑咸豐十年水圯

御史巡按川陝謝珊墓在縣西月嶺口

工部郎中河南左叅政謝佑墓在縣西月嶺口

張僖墓在縣東仁威觀左

毛道成墓在縣東三里

國朝

太子少保提督四川廣西軍門彭承堯墓在業家圈距
朱市里許

松滋縣志

卷之十二

雜志

十九

漏澤園

附

白骨塔在下十都離城百二十里明季亂後屍骨遍野
義士蘇正寬僱人拾骨一擔者給穀一石買棺分葬
迄今巨塚纍纍

義地